

OMUKWETU

Registered at the General Post Office as a Newspaper

10c

OKUVULIKA KEPANGELO PAMBIMBELI OTASHI TI NGIINI?

Hayendji haa uvu ko omadhiladhilo gomuyapostoli Paulus, montumwafo ndjoka a nyolele kAaroma montopolwa 13, kutya ota dhiladhila shike sho ta ti: "Omuntu kehe na vulike kaapangeli mboka taye mu pangele." Oyendji oya kutha mo uvelise mboka ya hala noku wu fatula ngaashi tashi ya opalele.

Omusitagongalo Elia Niinkoti ota fulu muule pauteologi nokuyamukula omapulo ngaka o-madhigu ngeyi: Oshitya "epangelo" pauteologi otashi ti ngiini? Ota holola wo nkene Kalunga a gandja egongamwele kepangelo nomolwashike e li gandjele; nonkene Luther ta tala epangelo ndyoka e li fatula mokupopya oshipango shohole. Aniwa epangelo omupolisi gwaKalunga. Epangelo nongeleka aantu namumwayina, omuntu ku vulu oku ya topola.

Tse Aawambo otwi igilila okupangelwa kepangelo, oshoka otwa kala oshigwana shi na elandulathano. Otwa kala nomapangelo gaakwaniilwa miilongo yetu. Omukwaniilwa ngoka ta pangele oshigwana oha kala naanaa a talwa he yoshigwana. Ombepo yetu tse Aawambo ohayi nwehwa mo kepangelo lyomukwaniilwa, epangelo lye ngele ewanawa, otatu mu hokwa notatu mu simaneke shili notatu kala nokupandula Kalunga sho tu na epangelo ewanawa lyomukwaniilwa omunambili.

Omukwaniilwa ngele omwiinayi ita talwa koshigwana ngahe yasho, noshigwana itashi mu yambekele epangelo lye na otashi kala aluhe nokuthinga epangelo lye moohapu nomomadhiladhilo gasho.

Omukwaniilwa omuwinayi oha umbwa ko koshipundi notashi vulika nokuli oshigwana tashi mu dhipaga ngaashi naanaa Kamhaku Kahuhwa a ningilwa koshigwana she shAambalantu. Shika otashi ulike kutya tse Aawambo oshigwana shi hole ombili nohashi vulika kepangelo li hole ombili newanawa.

Kashi shi oshinima oshipe kutse Aawambo okuuva taku tiwa: "vulikeni kepangelo". Shila otashi pendutha owala okatalekonawa mutse okutala shoka Ombimbeli ya dhiladhila sho tayi ti omuntu kehe na vulike kepangelo. Tango otandi gandja efatulo lyoshitya "epangelo" paMbimbeli.

Tala kep. 6

Omufitaongalo Petrus Shipena hamushanga wOmumbishofi nowEpangelongeleka. Ye oye hamushanga omukwatakanifi mOngeleka, pokati kOitayingeleka, -kongeleka ya ELOK neengeleka dikwawo osho yo nepangelo.

Oilonga ei okwe i pewa ashike konima eshi a yapulilwa oufitaongalo ponhele yomufitaongalo Apollos Kaulinge, eshi a ka yakula kofikola yaNgwediva.

Okwa tuminwe eke lihonge (1974-175) mu-Birmingham, kulngiland, oinima yElelo IO-engeleka (Church Administration).



Pamwe noshilonga osho e kwete okwa ningwa hamushanga omukulunhu wOngeleka ya ELOK, oshilonga osho a fiilwa kutate Matias Ngipandulwa, ou e li paife omuyakuli wovayakulingeleka

"Oshilonga shouhamushanga oshidjuu ndee oshishambula ngaa, unene mokuyakula ovanhu ve lili nove lili, oto lihongo mo yo shihapu kuvo," osho tate Shipena a ti. Tala oshipopwiwa shaye moshifo eshi.

S. Haulunga

OMIKUNDU MELONGO

Oshigongi shEhangano lyAalongi mOwambo (OTA) shoka tashi ka kala ko eti 26-29 Juni 1977, omuntu oto shi kwatakana nitha nomikundu ndhoka dha kala tadhi kundathanwa omimvo dha pita. Pamadhiladhilo ngoka ga zi momahokololo giilyo yehangano ndika okwa fa ku na omandhindhiliko kutya inaku ningwa oshindji.

Oshinima sha simana ngiika osho omiyalu odhindji dhaanona ndhoka ihaadhi mono oompito dhelongo natango, omoluuwindji. Mpaka pamwe eyamukulo olya monika. Osekundosikola oya totwa pomahala nomahala. Pomahala gamwe otayi kokithwa sigo opostanda ontihetatu.

Oshinima shOosekundosikola natango osha fa inaashi yamukula oompumbwe adhihe. Omaunyengwi natango oga fa taga holoka omolwofuto yokutaambelwa mosikola. Ngiika eipulo olili mpoka sho pe na eyooloko pokati koosikola ndhika dhomOwambo naandhiyaka dhomUushimba.

Oshinima oshikwawo ooshoka kutya Oosekundosikola sho dha tungwa, opwa fa pwa dhimbiwa iinima yimwe. Oshiholelwa ooLaboratorium, oondjugo dhomambo (biblioteek) niikwawo yilwe.

Eihumithokomeho lyomulongi

Ohapu gandjwa iimaliwa kaalongi mboka ya hala okwiihumitha komeho melongo moontumwafo. Opwa katukwa onkatu sho "Christian Centre" a toto po osikola yokukwatha mboka ya hala okwiihumitha komeho melongo, ihe kaye na aalongi. Oshikondo shElongo mOwambo osha toto po wo osikola ya tya ngeyi. Ando oosikola dha tya ngeyi dhi hume komeho, ando otapa ka longwa shomungunda.

Aalongi ngiika otaya dhimbulukwa wo meindungiko lyawo, kutya onawa omuntu u kuthe iilongwa mbyoka tayi ku kwatha miilonga yoye.

Opwa li pwa pulwa moshigongi shAalongi sha piti kutya kapu uvitike ko nawa sho poosikola hapu ya omatilitho gaakwiita. Oministeli omukuluntu okwa gandjele elombwelo, tali ti ngoka ta ningwa nayi kaasolotati onawa a thikithe oshinima shika kuye, opo aakwiita ya tya ngeyi ya falwe mohofa. Aalongi otayi ipula kutya omolwashike matsa omambo getu noondjambi dhetu hadhi etwa kaasolotati?

Oondjambi

Moshigongi sha piti okwa li mwa popiwa wo aalongi ihaaya futwa shi thike mpoka yi ilongela. Ngashingeyi oku na epulo ndyoka aalongi taya pula: "Omolwashike

Ohashi tu ovaitaveli vashili omukumo ngee tava pwilikine endjadjukununo neendifo leenghono daKalunga eshi a endifa oshiwana shaye manga shi li moupika wovaEgipiti. Jakob novana okwa li va ya koshilongo shinya opo ve lixupife kondjala oyo kwa li ya hanga ounyuni aushe.

Kalunga okwa longekida nale omakwafo okukwafa Jakob novanhu vaye mokutetekelifa Josef - omona waye - moshilongo shinya. Mokufika ova yakulwa nawa nova pewa yoo oitendelwa opo kwa li ve na okukala nokuxupifa eemwenyo yo davo palutu. Josef oye a li ta wilike mokuyandjela ovamwaina eenhele dokukala. Okwa li ve na ombili fiyo Jakob naJosef va fya palutu.

Konima yefyo laJosef opa holoka eehamba edi inadi shiiva Josef noilonga yaye noda fila oshiwana shaKalunga efupa noutile okushitila wa hapupala. Onghee da ninga eemhango okuhepeka nokudipaa oshiwana shaKalunga. Ounona oumati tau dalwa owa li tau dipawa mokukupulwa momeva omulonga waNaili. Ovashamane tava longifwa kokule nomambo avo, oilonga ihapu yokunghundipaleka oshiwana.

Apa Kalunga okwa yandja onduge momukulukadi wOmuhebeli ou a li meteeielo. Omukulukadi ou okwa li e litumba, molwaashi ina ufana ovadalifi nokwapulumuna oye aeke nokwa eta ngaha okamati nokwa li e ka fila olukeno nokukanenohole. Okaana okwe ka holeka meembungu eehani nhatu - limwe lomomaxunganeke enyumuko laJesus. Osho ngaha okaana aka inaka ka fya vali ndele

Tala kep. 3

aakuluntusikola yamwe ya futwa omayovi giimaliwa, ko kombinga yaalongi aakwathi kwa fa inaaku ningwa wo elunduluko li iwetikile, tali ihilile lwopopepi nondjambi yaakuluntusikola?"

Iilongwa yomoosikola

Aalongi ohayi ipula wo nehogololo lyiilongwa yomoosikola. Okwa tuminwe ombilive tayi ti kutya iilongwa yotumba oyo nayi kuthwe. Ihe mpaka aalongi oya fa inaaya uva ko nawa. Okwa gandjwa eyelitho kutya osikola kehe oyi na uuthemba okuhogolola iilongwa mbyoka ya hala, shaa owala yi na aalongi taya vulu okulonga iilongwa mbyoka.

Etameko ewanawa olya ningwa sho aalongwa taya tsuwa omukumo, opo ya dhiginine omaidheulo. Nando kape na iidhanitho ya gwana, omuntu ou na etegameno iidhanitho yi ka monike mbala.

ka ka tekulwa kouhamba waFarao nedina lako Moses - omuxupifwa momeva.

Moses elilonga eenghedi adishe domuEgipiti ndele nande a kala mouhamba ina dimbwa okukeelela koshihepekawana shaye omesho aye. Okwa kala ha talele po nokukonaakona omahepeko fiyo aka nyona omango eshi a dipaa Omuegipiti mokupopila Omuhebeli. Moses okwa li e na oku ka hondama omikonda dovakwaita vaFarao kuMedian oko a kala moufita weedi. Kalunga ota longekida okuxupifa oshiwana shaye momake ovatondi vavo ndele ondjila okwe i lelepeka kanini. Dilaadila pomafimbo etu Moses ta talifwa oufita wovanhu kutya owa tya ngahelipi.

Oshiwana tashi lili omahodi nokulyaamena keulu. Kalunga okwa li eva udite nokwa halelela okuva kwafa nande voo inave shi shiiva kwali. Moses moufita waye omo a diminwa po omataulukotimba aye nokwiifanwa okuya kuFarao nande kwa li e na omalipopilo okwa dulika nokwa li e na omukumo nokwe u pa yo muvakwao - Ovahebeli. Farao nomalenga neendudu ova kukutika omitima yavo, nande Moses va kondjela emanguluko lavo newi lopambili.

Onghuwo yoshiwana ya tana naKalunga efimbo laYe la fika okuva kwafa nokulifimane-kifa kuvo. Ouvalelo uyapuki tau dikwa nefyo lOmukulili tali xunganekwa. Ovaegipiti tava lili eefya dovana nokulekela Ovahebeli nombili. Farao ta shikula ko nokufila mefuta litilyana pamwe neendadi edi da li di mu

kwetele komesho neenghambe noutemba voo ta omolwodino okudina Kalunga. Osho tashi kala nokuningilwa keshe omukwahaitavela nomukwahaefa keshe ehalo laKalunga li longwe.

Moses tai noshiwana shaKalunga pahalo la-Kalunga mombuwa. Omaudjuu mahapu taa shakeneke oshiwana opo Kalunga a kufe mo ovanhu vaye ava ve mu hole. Osha pula oule weedula omilongo nhee oshiwana shi li metembu. Ohatu lilongo ko shihapu kefimbo leengeda doshiwana eshi. Eliteeko ola holoka, kapa li omalimbililo ovaitaveli opo va li eshi hatu hange Josua naKareb tava tu omukumo oshiwana.

Moses omumati waKalunga nomuyakuli woshiwana shaye ta talifwa oshilongo nomesho nande kali a mona omhito okulyateka omadi yaye medu laPalestina omolwomatauluko.

Pomafimbo aa etu Kalunga ota talifa ovanhu vaye ava va longela oshiwana shaye ouwa onghalo ya tya ngaha nande voo itava mono eemhito dokutyapula omauwa asha.

Josua yaNun omwiitaveli nomuliyandji ta kwetele komesho ponhele yependa Moses - ta longele Kalunga nande ope na emanguluko. KuJosua ohatu lilongo ko shihapu monghalamwenyo yetweni. Josua okwa tokola pamwe neumbo laye alishe okukalela Kalunga nokwa yandja eemhito da yeuluka ku keshe omunhu okuhoolola ou ta longele. Fyeni otwa hooleleni okulongela lyelye pefimbo eli?



Aawiliki yOongeleka muAmerika mboka ya li ya talelepo mOwambo omasiku ga zi ko. Okuza kolumoho otaku monika dr David Preus nokolulyolela dr Robert Marshall, pokati kolumoho Anna Nghihondjwa naRauna Nambinga,, mboka ya li ya tamanekelwa edhipago lyomukwaniilwa Filemon Elifas ihe oya monika yaa na ondjo kOhofa yopombanda ya-Bloemfontein. Oongeleka dhaawiliki mbaka odho dhimwe dha li dha galikanene aamangululwa mbaka.

"Otwa kuminwa shoka sha ningwa mpaka kEhanganotumo lyAasoomi," osho aawiliki mbaka ya tumbula.

P.Shipena

Pakuuva mondjokonona yookuku noyiigwana yetu, iikolitha oya longitha ookuku yonale iihuna, sigo inaa simaneka we uuntu waantu ya shitwa oshifetha shaKalunga. Momeho gawo omuntu ina kala we e na omupondo, a ningi a fa oshinamwenyo, e vulike kongo-mbe nenge koshikombo.

Ongombe nenge oshikombo otayi thigwa mo-shigunda, manga omuntu ta ka landwa po omakende giikolitha, omuntu ta gandja po omwenyo gwomuntu, ngoka ta vulu oku mu kwatha noku mu ambidhidha monkalo ye kombanda yevi; ihe peha lyomwenyo oti ilandele eso neshunduko lyomwenyo nolyopalu.

Ngele tatu hokololelwa kookuku shono sha li hashi ningwa nohashi ningilwa aantu ya shitwa ondjelo yaKalunga, atuhe ohatu ikwata komulungu nokukumwa notatu pandula Kalunga molwevaangeli:

Ihe otatu dhimbulula mokati ketu, kutya aantu oyendji otaa landakanitha omwenyo neso. Mboka ya pewa omwenyo kevaangeli poma-thimbo getu oyendji kaye na evululuko otaa uhala miilonga yokushingitha taa gandja po omwenyo, ya hala notaa kongo eso.

likolitha kayi shi sha shilwe shaa shi eso, onkee otayi dhipaga omwenyo, omwenyo gwopambepo nolutu wo. Oondjokana odhindji dha dhipagwa kiikolitha. Ekwatathano lyaashiinda nookuume lya dhipagwa po kiikolitha. Ondjila yokuya kOngulu yaKalunga, nando lumwe moshiwike, ya mene omwiidhi, oshoka omwenyo gwopambepo gwa dhipagwa mo kiikolitha.

Eipopilo lya ningi olindji nando itali kwatha. Mbuka uunkundi wolutu ku tala ko, omulumentu gwomuntu ngashingeyi okwa fa owala ongombe yekumba, ngele okwa zi okambiya siku limwe ka ke mu thigi muthika. Omulumentu gwondjelo, nena walyewo mpoka ya thindi. Omulumentu a li e na okuyakula oshigwana she, ongeleka ye negumbo lye, nena nongombe ya gunda pomukunda ita vulu oku yi tumba.

A li ha yi kiilonga navulwa iha yi ko we: A li e na eha poshinyanga shokuhungila megumbo, sigo ihapu temwa we omulilo, oshoka kape na ngoka ta kala po, ngaashingeyi oshinyanga oshi li kokandingosho. A li ha thigilwa ulalelo, sigo iha thigilwa we. Sho te ya nolukutu okwa faalela. A li ha sile egumbo oshimpwiyu, pailonga niipalutha nopakuzala, sigo nokudhika olukutu otaku nyengana. Pethimbo ndika alike otiimbi otayi ikeshe komayego ya hala okulya, gaali gata-tu ageke yo ya nwine ko omeya. Akutu!

lyaloo, meme sho to dhiginine omwenyo niilonga naanona. "Uutalambambi owa yahitha mpundja momeho." Ihe oomeme yamwe naagundjuka yamwe muutalambambi wawo oya

haluka owala nani nayo ya kwatwa, oto adha uunona ongulohi owo auke megumbo oto adha wa kwiininathana, wu tale tuu, o, pomala gawo oto tile po omeya. Okantaku ka li mo ka pu mo. Oomposi dha ningilwa nawa, uunona wa kotha nondjala yawo.

Omikithi dhanasho openi dhi li? Opo nee hadhi shangwa mpoka. Siku limwe meme okwa landulile tate kokandingosho, nani ayehe ya yi momwigo. Sho taye ya meme ina mona we ompito yokufulula ko, uunona wa kotha nale nondjala yawo, ye meme ke na we onkondo dhokuthikama.

A meneke ando ongula a fulule ko, wo uunona wu makele wo otuu, yo opapalase openi yi li. Oto mono ashike ya li haye ya oshita, wu mone aantu ohaye ya okaanamundo-nda, wo uunkolwi ihau imonika. Oshilanduli oontamanana nuuvu wondjokana; ya li hayi nu momeya oto mono ashike tayi alukililwa sigo ya si.

Kalunga osho e tu tulila po shoka? Edhipago ondjo koshipala shaKalunga. Kali na nee mbudhi, okudhipaga mukweni, nondjembo nondhimbo nenge oniikolitha. Otwi idhipaga mwene ashike shoka Omuwa Kalunga ote ke shi pangula. "Aantu oyaKalunga, Munyembala okwe ya pewa."

Aanwi ya tya ngaaka oye na omadhina gawo, "onkolwi". Osho ya kala haa ithanwa nopethimbo lyonale, nosho tatu tsikile oku ya ithana. Nokape na sha oshiwinyayi nokuya ithana ngeyi: Nonando tatu ya ithana ngeyi, otu na okundhindhilika, ngaashi nayo yene wo ye noku shi ndhindhilika kutya, yo kaye shi onkolwi ihe nayo yene edhina ndika kaye li hole nayo aantu aashitwa yaKalunga, ihe taa ehama, uukwatya wawo nomadhina gawo kage shi "oonkolwi," ihe oyo aantu ooPaulus, Tomas, ooMaria nooHelena, aana yaKalunga.

Kape na sha shokwiiyekelela, po kape na sha shoku ya ekelela noku ya etha ya se noya kane, oshoka oyo aantu yaKalunga. Aavu ya fa aavu aakwawo, taa pumbwa ekwatho lyokufalwa kundhotola. Oya pumbwa esilohenda lyaKalunga, ngaashi aandjolowele wo. Aandjolowele oya pumbwa esilohenda lyaKalunga muJesus Kristus, opo ya vule okukwatha aayehami. Aayehami oya pumbwa wo esilohenda lyaKalunga, opo yi igandje ya kwathwe kaamwayina mboka aandjolowele.

Ooitaali ayehe otaa vulu okukala omuligu omwaanawa gwokupitila ohenda yaKalunga okuya kaavu, nokumboka ya sa nokuli nale kuunkolwe. Otaa yi nomukumo sho ye shi shi Jesus okwa yumudhile naLasarus a ningi omasiku gane mombila. A nyengwe nee konkolwe, e yi hole ngeya. Shika osho ombinga yomuunongo waKalunga okulongitha omuntu kehe a vule okuninga omuligu gwokuthikitha esilohenda lye nokomuvu e li pokusa.

Emanguluko lyomukriste olya kwatelela mo shika, kaa hongolole omumwayina, ihe e mu site oshimpwiyu.

DUMENI A GALUKA KUAMERIKA

Omuwilikingeleka, Kleopas Dumeni okwa li a tumwa kepangelongeleka, lyeti 13-14.1.1977 pashitokolitho 14, opo a ka kalele po ongeleka yetu kOshigongi shEwilikongundu lyOongeleka dhaKristus muAmerica. Tate Dumeni mokutsakanekwa kOMukwetu mokugaluka moweendo lwe nomokupulwa kutya okwa ka talele shike kuAmerica noshike a mono ko, okwa yamukula ngeyi:

Sho nda yile kuAmerica, oyendji otaa kunditha. KuAmerica onda li nda tumwa ko kOongeleka yetu.

Okwa li ku na oshigongi shEwilikongundu lyOongeleka dhaKristus muAmerica. (National Council of the Churches of Christ in the United States of America). Oshimpwiyu osha penduka mOongeleka dhomuAmerica, haAakwaLuther ayeke aawe, ihe oongeleka dhi ili nodhi ili opo ya kale pamwe noongeleka dhomUumbugantu waAfrica.

Moshigongi omwa li ano aawiliki yoongeleka ya za kuAfrica ngashi Rhodesia South-Africa, Mosambique, Namibia, Zambia, Angola nosho tuu, muNew York ehala Uttica. Elalakano lyokugongala olya li ndika:

Okupaathana omauyelele momaudhigu pamukanka nguka; "Oshilyo shimwe ngele tashi ehama, nena iilyo ayihe otayi ehama pamwe nasho, nongele tashi nyanyukwa, nena iilyo ayihe otayi nyanyukwa pamwe nasho. Ano okuhokololelathana omauvito pamwe nonkalo yOongeleka

2. Okukundathana pamwe, oshimpwiyu nenge oshinakugwanithwa shoongeleka muAmerica, Kanada, England, (Ano okwa li aakalelipo ya zi kuKanada naEngland nomUumbugantu waAfrica.) monkalo yongashingeyi kutya oshini na otashi humithwa ko ngiini?

3. Okukundathana oshinakugwanithwa shoongeleka nkene tashi kokekwa mevutho lyevaangeli, (EVANGELISM) momaudhigu ngaka gongashingeyi.

4. Okukundathana pamwe oshimpwiyu shoongeleka moshilonga sheyakulathano, nependulopo koompumbwe dhomuntu aguhe omweonyo nolutu.

5. Okukundathana oshinakugwanithwa oshinene shOongeleka, oshilonga shehanganitho (RECONCILIATION) momaudhigu nomomatopoko nkene tashi humithwa komeho monkalo yonena nokudhimbuluthathana kutya shika oshinakugwanithwa shomukriste kehe.

6. Opwa kundathanwa omapulo ngaashi ngaka: Omiinima yini oongeleka muAmerica, Kanada naEngland tadhi vulu okukwatha oongeleka dhomuAfrica, opo dhi uve ko nawa? Nenge omiinima yini oongeleka mUumbangalantu waAmerica dhi uve ko nawa?

Oshigongi osha li oshivanawa. Ombepo yoshigongi omukalo gwokukundathana ukumwe woongeleka, sho twa gongala kumwe aakriste, inatu tala kutya mbaka Aakatoolika, Aangilikana nenge Aaevaangeli, ongele omalongelokalunga Uulalelo Uuyapuki, otwa kala kumwe nombili naKalunga okwe tu popitha.



Omukulukadhi gwomuwilikingeleka, meme Aino Dumeni, ngoka ha kala olwindji pegumbo manga tate Dumeni e li momalweendo. Ota monika poshikunino shoongala ndhoka dhi li posheelo shegumbo lyawo, pOngwe-diva.

Oshigongi osha li ekwatho kumboka twa li mo osho wo kOongeleka dhomUumbangalantu waAmerica nosho wo koongeleka muumbugantu waAfrica.

Mpeyaka onda mono omaludhi gaantu aashitwa yaKalunga ya zi konyala muuyuni auhe, oshoka New York osho omutumba gwiigwana yomuuyuni auhe. Onda mono iilyo yoongeleka dhetu muNamibia mbyoka yi li kuAmerica, itandi tumbula omadhina, oshoka oyendji oye mu kundu. Ongele ootaali miigwana niigwana, osho wo iilyo yoongeleka dhetu mbyoka nda mono otaye mu kundu notaye mu galikanene notaa indile wo mu ya galikanene.

2. Olutiyali kombinga yimwe iinima yimwe noonkalo dhilwe nando hasho elalakano lyoweendo lwandje, ano Omuwambo okwa tile "Uukongo ihau endeke shimwe," sho nda ende momahala gi ili nogi ili, ongele omiiyenditho mombepo, moositola, moohotela, mookefe, mootelefona, mootekisa, momakambamba, momashina nokutala sho taa yakulathana miilonga yawo, ongele moombaanga, momagongalo, momalongelokalunga nomoombelewa dhi ili nodhi ili, ongele papangelo (aapolisi naagandji yoopaasa) nenge pamahangano, pangeleka, onda koneke aantu otaa dhiginine iilonga yawo.

Tala kep. 6

Okuvulika kepangelo paMbimbeli

Dha za kep. 1

Oshitya shika epangelo mEtestamendi Epe otashi ti oonkondo. Ngele taku tiwa vulikeni kepangelo, nena otaku tiwa vulikeni koonkondo. Epangelo olya pewa kuKalunga egongamwele, opo li kale noonkondo lyo li vule okulongitha oonkondo.

Epangelo olya tulwa po kuKalunga li longe ehalo lye mokulongitha oonkondo. Noshitya shimwe epangelo olya pitikwa okulongitha ekuni. Shika osha pumbwa okuyelithwa nawa, oshoka tse Aawambo inatu simaneka ekuni; otu hole euvathano nombili.

Kalunga ye mwene okwa pa omupangeli egongamwele, ihe omupangeli ta tila nota simaneka Kalunga, ita vulu nande okulongitha egongamwele ndika mokwihola nomokupika aapangelwa ye. Egongamwele lyaKalunga miikaha yomupangeli inali dhiladhililwa kuKalunga iilonga yuukolokoshi mbyoka hayi dhiladhilwa komuntu.

Ohoni onene ngele omupangeli oye mwene ta longo uukolokoshi, oshoka omupangeli okwa tulwa po, opo a keelele uukolokoshi waaha longwe mokati kaantu mboka ta pangele. Omolwashike omuntu kehe a tegelewa a vulike kepangelo?

Onda hala tango okuholola omadhiladhilo gomundohotola Martin Luther mokudhiladhila oohapu dhomuJapostoli Paulus mAarom. 13 sha ta ti omuntu kehe na vulike kepangelo.

Luther mokuyelitha oshinima shika nomokuulika kwe ondilo yepangelo monkalathano, okwa tameka noshipango shohole: "Hala mukweni ngaashi ngoye wi ihole mwene (Mat. 22:39).

Muuyelele woshipango shika aantu ayehe oye thike pamwe nomuntu kehe oku na uuthemba we u na okusimanekwa nokugame nwa. Omuntu kehe ota vulu owala okukala nuuthemba wa gamenwa monkalathano yaantu mboka aakriste yashili, ihe oshi li nee ngeyi kutya haayehe aakriste, oshoka mokati kaakriste omu na iidhukudhuku.

Omolwiidhukudhuku mokati kaakriste, aantu kaye na we uuthemba wa popilwa nowa gamenwa. Aantu itaa yakulwa we pauthemba mboka ye u pewa kuKalunga. Shika otashi ulike kutya oshipango shoka shohole itashi gwanithwa we mokati kaantu.

Omolwuunkundi mbuka mokati kaakriste, Kalunga okwa pe epangelo egongamwele, opo li longithe oonkondo nokugeela iidhukudhuku mbyoka tayi yono oshipango shohole mokweetela aantu aakwawo uupyakadhi. Epangelo oli li po li popile uuthemba nuwanawa womuntu. Ando aantu ayehe ya papudhuke e taa ningi aakriste yashili, ando oshilonga shepangelo inashi pumbiwa we, oshoka itaku kala we omuntu ta longele yakwawo uwinanyi nota eta uupyakadhi monkalathano. Sigo oompaka Luther.

Sho taku tiwa vulikeni kepangelo, osha hala okutya hololelathani uwanawa. Simanekeni uuthemba wooyakweni. Longeleni yakweni uwanawa. Popileni uuthemba wooyakweni. Inamu longa uukolokoshi monkalathano.

Shika osha yela kutya aantu mboka taa gwanitha shoka tashi lalakanenwa koshipango shohole okuhola mukweni itaa gelwa nande kepangelo, oshoka epangelo oli li po, opo iinima mbyoka yi gwanithwe shili.

(taku tsikilwa)

OTA ta ka gongala

"Sha mana omumvo omasiku," osho omukulu gwonale a tile. Sha hala okutya masiku otu li nale muJuni.

Oshigongi shetweni shEhangano lyAalongi mOwambo (OTA) sha thiki na otashi ka kala ko okuza 26-29 Juni 1977, (Osoonda-ha sigo Etitatu).

Ilyo amuhe otamu indilwa mu kale moshigongi shika omolwiinima yi na oshilonga tayi ka kundathanwa.

Etelela wo iinima mbika:

(a) R1, omolwiikulya

(b) niilongitho yokoshitaafula ayihe

Amushanga

Dumeni kuAmerika

Dha za kep. 5

Otaa longo nombili nondjungu nokusimaneka omuntu kehe, tashi ti: eutho lyuuthemba womuntu otali gwanithwa. Itaku talwa kutya olye, okwa tseyika nenge ina tseyika. Omuyakuli kehe ota tala kutya, omuntu ota pumbwa shike, unene omuntu omuyenda ota dhimbululwa a fa ta pumbwa ekwatho nota pulwa mbala. "Nandi ku kwathe? Owa hala ndi ku ningile shike?"

Tashi ti oshimpwiyu oshinene osho okuyakula nombili neendelelo nonesimaneko nokutala ngele ope na ngoka ta pumbwa ekwatho lyasha nando ina tseyika, ina simana, opo omuntu gwaKalunga a kwathwe. Oodhino, omathetelo, omatukano nomaihololo kutya mpaka ope na omuntu omunene, omasheko nomagandathano, oga pumba mokati kaamba ka ye li pomayakulilo gaantu ayehe.

Shoka nda dhimbulula ooshoka kutya: Kalunga okwe tu pa ookuume naagalikaneni oyendji momaudhigu gethimbo ndika. Onawa ngele tse tatu dhiginine iilonga niinakugwanithwa yetu nuupenda. Osho wo momayakulo getu tu dhiginine oshili mohole. Unene mboka ye shi Kalunga ooitaali ayehe natu dhiginineni oshilonga shokugalikanena aagalikaneni yetu, osho wo aantu yaKalunga ya kwathwe nehalo lyaKalunga li gwanithwe.

"Ondjila yokufala Namibia kemanguluko o-mpu okuyeleka naRodesia," osho komufala omupe gwaNamibia omusamane Athisaari a holola omadhiladhilo ge.

Athisaari ota tala wo kutya emanguluko lya-Angola olya vala onkalo ompe kombinga ya-Namibia nonando inashi yelitha sha ku S. Afrika.

Okomitiye yaNamibia oyi na iilyo 25 ya za miilongo niilongo. Pahapu dhaKomufala okomitiye ndjika oya ningi sha shomungunda, sho ya toto po osikola yokuputudha Aanamibia, muZambia (Institute of Namibia). Osikola ndjika oyi lile po okugongela omauyelele kombinga yaNamibia osho wo okuputudhila Namibia aaleli yokomeho.

"Nonando Namibia oku li miikaha ya VVO, omukalelipo ina pitikwa okukala muNamibia omolwonkalo yamo. Otandi ka kala handi yi komahala gi ili nogi ili, omolwaNamibia," osho Athisaari a ti. Ontulankalo yaKomufala nguka otayi ka kala muNew York shaAmerika.

(KOTIMAA)

SHOKA SWAPO A LOMBWELWA KAAUNINGININO

Pahokololo ndyoka lya gandjwa kuAmushanga gwomatseyitho mu SWAPO omusamane Peter Katjavivi muVienna (moshilandopangelo shaAustria moka omusamane Vorster ya li ya kundathanene nomupresidende gwopevi gwaAmerika omusamane Mondale) okwa holola puuyelee shoka lilongo yokUuninginino ya li ya lombwele ewilikongundu lya SWAPO mOvenduka. Lilongo mbika oya li ya thiki momatokolo ngaka nomusamane Vorster.

● Ehogololo lyaayehe okuhogolola iilyo mbyoka tayi toto po ekotampango lyaNamibia.

● Ehogololo ndika oli na okutonatelwa ku VVO, namushanga gwa VVO ota ka ulika okomisi yaatseyimpango yokukutha po oontamanana, ngele osha pumbiwa.

● Amushanga ota ka utha ye mwene mbo-ka taya ka tonatela ehogololo. Oongundu dhopolotika adhihe nomayooloko gadho, odhi na oku ka kala mehogololo ndika. Otapa ka kala emanguluko: mukupopya, mokingongala nomokunyanyangidha.

● Aanapolitika oomvalele dhaNamibia mbo-ka ye li pondje yoshilongo, otaya ka pitikwa ya galukile koshilongo, opo ya kale mehogololo.

● Epangelo lya S.Afrika otali longekidha lya lyene omukalo gwokugandja eipangelo kAanamibia nomukalo ngoka ogu na okuziminwa tango kuAmushanga gwa VVO osho wo kwaayehe (International community).

(Advertiser)

Pashifo shepangelo "Suidwester" edhiladhilo lyokuninga oTurnhalle ongundu yopolotika opo yi ka kondjithe SWAPO mehogololo lyaayehe, ngele otali ka tsakanithwa, oshinima tashi ikundwa natango.

Omukalelipo gwOombasitela moTurnhalle, Ben Afrika, okwa holola kutya inaku yiwa natango metokolo lyahugunina moshinima shika. Aniwa Oberaad sho ya yile kOkapa omasiku ga zile ko omusamane Vorster okwa li e ya e-tele edhiladhilo ndyoka.

Omusamane de Wet, komufala gwoomvalele dhaNamibia, okwa li a popile wo omadhiladhilo ngaka. Aniwa de Wet okwa hala "aantu ya hogolole pokati ka SWAPO noTurnhalle." Ye ku uvite wo uudhigu ngele otaku ningwa ehogololo li li metonatelo lya VVO.

OSHIKE SHA LI SHA POPIWA KOMBINGA YANAMIBIA

Oshiwike oshitiyali shaMaalitsa osha li ethimbo moka Namibia a popiwa noonkondo kligwanahangano (VVO) muMaputo shaMocambique, osho wo moonkundathana dhoministeli ya S.Afrika pamwe nomupresidende gwopevi gwaAmerika muVienna.

Natango oministeli ya S.Afrika oya li ya koleke etokolo lyayo, opo muNamibia mu ningwe ehogololo lyaayehe lya manguluka. Omupresidende gwopevi gwaAmerika Mondale okwa li a lombwele Vorster sha yela kutya Amerika ota popile oshitokolitho oshiti 385, shOraata yligwanahangano.

Oshitokolitho shika otashi ti kutya S.Afrika na hulithe po epangelo lye muNamibia, ye na kuthe mo aakwiita ye,ko ku ningwe ehogololo lya manguluka metonatelo lya VVO.

Vorster okwa li wo a popi muutondwe SWAPO nakutanga Turnhalle. Okwa popi wo epopyo lye ndyoka ekulukulu kutya SWAPO aniwa ehanganano lya totwa kaatiligane yane aakomunisi, mOkapa.

MUMAPUTO

Oshigongi sha VVO shoka sha li sha kala uule womasiku gahamano moka mwa kala iilyo 90, mefatuluo lyahugunina osha li sha tokola opo oshigongi shaAyehe (General Assembly) shi ka konakone natango omukundu gwaNamibia muAguste. Osha koleke wo kutya SWAPO oye awike omukalelipo gwaantu yaNamibia

Okwa li kwa tokolelwa wo S.Afrika ondjindikila yiipindi noshigongi osha ekelehi oTurnhalle osho wo epangelo lyopokati.

Omukanda, ngoka gwa nyolwa omatokolo goshigongi, ogwa holola olukeno keliko lya-Namibia, ndyoka tali kuthwa moshilongo, pondje yoveta.

Tala kep. 8

Lyee ndongula olyo lya too lohima!

Otandi ku yakele ko, manga inaashi ya okawi nokawi, kutya omambo ngoka we ga yuulukwa ethimbo ele nokaga li po tuu shili, ngaashingeyi ge ya mo mOstola yOmambo, na ogo nee ngaashi:

Ombimbeli Ondjapuki, noongenge ontintintiti, otayi gu R1-50

Elaka Etoye lyoongenge ngodhOmbimbeli olye ya notali gu R0-70

Elaka Etoye lyoongenge tadhi konita oshingoli nolya mangwa momapeko goshikengeli osho lya holoka ishewe, ihe ndika otali gu R3-50

Opwa li aaleshi oyendji taye li pula sho ya mwene embo lya mangwa ngeyi tali topolwa mOshituthi shEtestamendi kOlukonda. Ethimbo ndiya katwa li manga nuuthemba woku li kongwa, ngashingeyi lya monika, onkene tatu ku hiya ngeyi.

Opwa nyanyangidhwa wo omasiku ngaka OHAPU NDE YI PUMBWA NENA, lya shangwa kenyakwa nependa lyomavitho, omuyevangeliste gwOngeleka ya ELOK, Efraim Angula.

Okambo hano oka siikilila muko omavitho omapyu galyaAngula, ngaashi u ga shi. Ota-ka opalele Owandaha megumbo nenge palwe, osho tuu okuleshwa komuvu, manga ta lala mombete nenge wo omuvu ngoka oothina dhomwenyo gwe dhe mu thitikinina mokakololo kuuyuni we.

Onda ti otandi ku yakele ko, dhimbulukwa ano, kutya lyee ndongula olyo ngaa lya too lohima!

NAMIBIA TA POPIWA

Dha za kep. 7

OMUKADHONA TA PUMBIWA

ONAMAGONGWA MODEL
SUPER MARKET oya pumbwa
omukadhona e shi okutopatopa
nota vulu wo okuyakula poo-
ngodhi.

Ngoka a panda iilonga mbika
na ninge eindilo nenge a mo-
nathane nomusamane Tomas
Philippus P.O. Box 110, Tel. 95,
Ondangwa.

Oyi itaala kutya Ombaye oshitopolwa sha-Namibia na oya tinda oonkambadhala dha S.Afrika okukutha ko oshitopolwa shika ku-Namibia.

lilongo yokUuninginino oya li ya tindi omato-
kolo gamwe ngaashi okuningila S.Afrika o-
ndjindikila yikondjitho nosho wo ndjoka tayi
keeleele ekwatathano kehe naRhodesia.

Aauninginino oya li ya adha etsokumwe nli-
longo yaAfrika sho ya popile ogendji gomo-
matokolo, ngoka ga ningwa moshigongi.

(Advertiser)

OMUKWETU

Oye oshifo shOngeleka Onkwaevangeli paLuther yo-
mOwambokavango.

Oha nyanyangidhwa mOshinyanyangidho shOngeleka
mOniipa.

Omukuluntu gwOmukwetu omumbisofi
dr. Leonard Auala.

Amushanga gwOmukwetu omulongi
Ambrosius W. Amutenja.

Ondando yOmukwetu komumvo, muAfrika R 2-00,
kombanda yomafuta R 4-00.

Omambesitelo pamwe noondando naga tumwe ko-
mukwetu Oniipa, P/B. 2013 Ondangwa 9270



OWAMBOKAVANGO CHURCH PRESS
ONIIPA P/BAG 2013 ONDANGWA 9270